

## **Sieluos ramībē**

Skomb leds nu pēikēnas smūgiu,  
Šaltoks rauduonēn skruostos,  
Šarmo pražīda medē ēr krūmā,  
Baltā pasipoušosēs nendriu šloutas.

Aplinkou baisē balts snēigs –  
Sop žēimēška gamtuos poikībē,  
Tartom pasaka a saldus mēigs,  
Soteik sielā ēr šērdēi ramībē.

Nuors ēr maža laimēki ē terba ēsēdiejēs –  
Gol kelēs menkas žovelēs,  
Keliauji ē nomus gerā pasēlsiejēs –  
Nepraēlgs ēr tuolēms kelielis...